



AGENCIJA ZA RAD I ZAPOŠLJAVANJE BOSNE I HERCEGOVINE

u skladu sa Dogovorom o posredovanju pri zapošljavanju radnika iz Bosne i Hercegovine u
Saveznoj Republici Njemačkoj na određeno vrijeme

objavljuje

JAVNI POZIV

za prijavu za zapošljavanje radnika za zdravstvenu njegu u SR Njemačkoj

Mjesto rada : SR Njemačka

Naziv posla : Radnici za zdravstvenu njegu

- **Opis posla:** rad na mjestu asistenta za zdravstvenu njegu do priznavanja diplome u SR Njemačkoj, a poslije priznavanja diplome, rad na poslovima kvalifikovanog zdravstvenog radnika
- **Broj izvršilaca:** 250

Uslovi za kandidate:

- **Status :**

Svi zainteresovani kandidati, državljani Bosne i Hercegovine, koji ispunjavaju uslove navedene u ovom javnom pozivu, ali prednost kod odabira će imati nezaposlena lica registrovana na evidenciji službi za zapošljavanje u Bosni i Hercegovini.

- **Obrazovanje :**

- *Stepen obrazovanja: minimum srednja medicinska škola (IV stepen);*
- *Obrazovni profil: medicinska sestra – tehničar opšteg ili pedijatrijskog smjera*

- **Posebna znanja i veštine:**

- *Poznavanje njemačkog jezika na elementarnom nivou - minimum A2 nivo, prema Evropskom referentnom okviru za jezike;*

A2 Kandidat razumije rečenice i često upotrebljavane izraze, koji su u vezi sa oblastima neposrednog značenja (na primjer: informacije o ličnosti i porodici, kupovini, radu i neposrednom okruženju). U stanju je da se sporazumije u jednostavnim, rutinskim situacijama koje se odnose na jednostavnu i direktnu razmjenu informacija o poznatim i uobičajenim stvarima. U stanju je da jednostavnim riječima opiše svoje porijeklo i obrazovanje, neposredno okruženje i stvari vezane za neposredne potrebe.

- *Prednost će imati kandidati sa znanjem njemačkog jezika na B1 nivou, prema Evropskom referentnom okviru za jezike;*

B1 Kandidat je u stanju da razumije glavne sadržaje, kada se upotrebljava jasan standardni jezik i kada se radi o poznatim sadržajima vezanim za posao, školu, slobodno vrijeme itd. U stanju je da se snađe u najvećem broju situacija sa kojima se susreće tokom putovanja u zemljama njemačkog govornog područja. U stanju je da se jasno i smisleno izrazi o poznatim



temama i oblastima ličnog interesovanja. U stanju je da govori o iskustvima i doživljajima, da opiše svoje snove, nade i ciljeve, i da ukratko obrazloži svoje planove i stavove.

- Položen stručni ispit za rad u struci

▪ **Radno iskustvo:**

- Prednost će imati kandidati sa radnim iskustvom u struci.

Uslovi rada i boravka :

▪ **Vrsta radnog odnosa:**

- Na određeno vrijeme na poziciji asistenta za zdravstvenu njegu, do nostrifikacije diplome za zdravstvenog radnika;
- Nakon nostrifikacije diplome, radni odnos se može zasnovati i na neodređeno vrijeme na poziciji zdravstvenog radnika, a zaposleni ima mogućnost da nakon određenog perioda prema Zakonu o boravku stranaca u SR Njemačkoj podnese zahtjev za dobijanje stalne boravišne dozvole.

▪ **Nostrifikacija diplome:**

- U skladu sa pozitivnim propisima SR Njemačke nostrifikacija diplome za zdravstvenog radnika je obavezna najkasnije u roku od 12 mjeseci.

▪ **Zarada :**

- Startna plata iznosi 1.900 eura (bruto) / do priznavanja diplome za zdravstvenog radnika;

▪ **Smještaj i ishrana :**

- Poslodavac obezbjeđuje smještaj i ishranu, a zaposleni u cjelosti ili dijelom participira u troškovima.

▪ **Troškovi prijevoza :**

- Troškove prijevoza radi zapošljavanja na relaciji Bosna i Hercegovina – SR Njemačka snosi poslodavac.

Potrebna dokumentacija:

- Zahtjev/prijava na njemačkom jeziku (obrazac u prilogu Javnog poziva);
- Radna biografija/CV na njemačkom jeziku (obrazac u prilogu Javnog poziva);
- Diploma/svjedočanstvo završene škole (ovjerena kopija);
- Dokaz o položenom stručnom ispitu (ovjerena kopija);
- Dokaz o radnom iskustvu (ovjerena kopija radne knjižice ili potvrde od poslodavca);
- Izjava o saglasnosti za raspolaganje ličnim podacima ovjerena kod nadležnog organa (obrazac u prilogu Javnog poziva) .

Nepotpuna dokumentacija neće biti razmatrana!



NAPOMENA: Kandidati koji posjeduju dokaz o znanju njemačkog jezika (certifikat, učenička knjižica, diploma i sl.) mogu ovjerene kopije dostaviti u prilogu potrebne dokumentacije.

Način prijavljivanja i selekcije kandidata :

- *Navedena dokumenta svi zainteresirani, zaposleni i nezaposleni, dostavljaju nadležnoj kantonalnoj službi u FBiH, filijali u RS, odnosno Zavodu u Brčko Distriktu BiH, lično ili poštom, sa naznakom „**Prijava na Javni poziv za zapošljavanje radnika za zdravstvenu njegu u SR Njemačkoj**“.*
- *Kandidati koji uđu u uži izbor biće obavješteni o mjestu i terminu obavljanja intervjua za posao sa predstavnicima njemačke službe za zapošljavanje. Razgovor će se voditi na njemačkom jeziku.*
- *Kandidati koji od strane predstavnika njemačke službe za zapošljavanje budu izabrani nakon intervjua, biće uključeni u projekat „**Triple Win**“ – **regionalne saradnje na migraciji radne snage**, koji će kandidatima pružati podršku u pripremi, odlasku (vize) i integraciji u SR Njemačkoj. Projekat „Triple Win“ - u organizaciji njemačke službe za zapošljavanje (BA) i njemačkog društva za međunarodnu saradnju (GIZ), nudi podršku kroz kurseve jezika, kao i kraći (petodnevni) kurs pripreme za rad i život u SR Njemačkoj.*
- **Izabrani kandidati biće u obavezi da dostave dodatnu dokumentaciju:**
 - diplomu, svjedočanstva trećeg i četvrtog razreda Medicinske škole i dokaz o položenom stručnom ispitu, prevedene na njemački jezik kod sudskog tumača;
 - uvjerenje o državljanstvu Bosne i Hercegovine;
 - uvjerenje o nekažnjavanju;
 - kopiju pasoša;
 - druga dokumenta, po potrebi.

Za dodatne informacije o ovom javnom pozivu, kandidati mogu da se obrate nadležnoj kantonalnoj službi u FBiH, filijali u RS odnosno Zavodu u Brčko Distriktu BiH

Prijavu na Javni poziv sa traženim dokumentima potrebno je dostaviti zaključno sa 30.04.2013. godine